

Badudi ba Kroemhoek (Ga Makgato) ba fihlelela kwano

Morago ga lebaka le letelele la leema-ema leo le bego le palediša badudi ba Ga-Makgato go robala boroko, ekaba ele selo sa maloba ka gore bjalo badudi ba fihleletše kwano ka bobona le mmusho wa selete le wa selegae (Capricorn District Municipality and Blouberg Local Municipality). Se se latela dipoledishano tša go shalana morago magareng ga bakgatha-tema ka moka. Dikgoga-kgogano tše di be dile mabapi le go senywa ga mafarahlahla a meetse a goya tikologong ya All Days ao a fetago motseng wa Makgato. Badudi babe ba lla ka tlhokego ya meetse goba kabo ya meetse ao a bego a saba kgotsofatše. Seo se ile ge se gakalela pele sa akaretša le diphapano tša go ama sepolotiki.

Le ema ema le la go feleletša le hlotše mmudu-budu wa go fišwa ga ntlo ya mokhanselara wa tikologo Cllr, Ntlatla Willium le be le šetše le thomile go aroganya setshaba. Efela re leboga ge mafelelong badudi ba dumelelane gore khutšo e bowe e ate motseng wa Kgoshi Makgato. Lesolo la go rulaganywa ke Capricorn District Municipality la Operation Theeletša la malobanyana, le tlišitše shebe-shebe motseng wo morago ga tsebišo ya gore mathata a meetse e tlabala selo sa maloba.

Magareng ga tšeo di fihleletšwego le go tsebišwa di akaretša gore: Badudi batla dumelela mafarahlahla a meetse a goya AllDays go shoma ntle le tšhitisho. Seo se hlalosa gore tirelo ya meetse a goya AllDays e tla sesa shitišwa. Kabo ya meetse motseng waga Makgato e tla lebelelwa ka leihlo la ntšhotšho ebile bora-kontraka batla thoma moshomo ka ponyo ya leihlo go netefatša gore badudi ga ba bolawe ke lenyora. Dikgohlano tšeo di bego dile gona malebana le dikgetho tša maloko a Ward Committee, di rumilwe ka gore dikgetho di tla thongwa leswa pele kgwedi ya March e fela. Mathata a go fapana ka dikgopolo magareng ga Mokhanselara wa motse le ba moshate le ona a fihlile bofelong.

Sa go kgahlisa tumellanong ye ke gore badudi bathabile, ebile bare ba ikemisheditše go shomishana le Masepala wa Selegae le wa Selete. Ba ikanne gore tšhumisho ya dikgaruru go leka go rarolla mathata goba dikgohlano e ka sesaba tharollo, gomme ditherishano di tla etišwa pele.